


十住毗婆沙論

第三

二百四十一  
資三

49173





十住毗婆沙論卷第三

資

龍樹菩薩造

姚秦三藏法師鳩摩羅什譯

釋願品之餘

復次

願淨佛土故

滅除諸雜惡

殺生偷盜邪淫妄語兩舌惡口綺語貪恚邪  
命飲酒等如有如是惡名為不淨復次國土中

有地獄畜生餓鬼等諸惡道名為不淨復次

衆生無信懈怠亂心思癡諂曲慳嫉忿恨重

邪見慢憍慢大慢我慢邪慢矯異自親激動

抑揚因利求利貴於世樂放逸自恣多欲惡

欲邪貪邪姪不識父母沙門婆羅門不忍辱

被威儀難與語邪覺觀貪欲瞋恚睡眠調戲



疑悔所覆蔽名為不淨復次惡鳥獸多怨賊  
無水漿飢饉灾疫人畏非人畏內反逆外多  
賊寇若多雨若亢旱諸衰惱小劫盡諸苦惱  
等名為不淨復次衆生短命惡色無力多諸  
憂苦少膽幹多疾病少威力少眷屬惡眷屬  
易壞眷屬小居家傳劣邪出家名為不淨復  
次僧佉榆伽優樓迦王那波羅他毗佉那瓶  
沙王那吉略仙人象仙人斷姪人上弟子行  
者放羊者大心者忍辱者喬曇摩鳩蘭陀磨  
活人者度人者經水者婆羅沙伽那頗羅墮  
闍著衣者無衣者韋索衣者皮衣者草衣者  
著下衣者角鷄毛衣者木皮衣者三洗者隨



順者事梵王者事究摩羅者事毗舍闍者事  
金翅鳥者事卍闍婆者事閻羅王者事毗沙  
門王者事密迹神者事浮陀神者事龍者保  
形沙門白衣沙門染衣沙門末迦梨沙門毗  
羅唆子者迦旃延尼捷子者薩耆遮子者持  
牛戒者鹿戒者狗戒者馬戒者象戒者乞戒  
者究摩羅戒者諸天戒者上戒者婬欲戒者  
淨潔戒者火戒者說色滅涅槃者說聲滅涅  
槃者說香滅涅槃者說味滅涅槃者說觸滅  
涅槃者說覺觀滅涅槃者說苦滅涅槃者說  
苦樂滅涅槃者水衣爲鬘者水淨者食淨者  
生淨者執杵曰者打石者喜洗者浮沒者空

地位者。目刺棘者。世性者。大者。我者。色等者。聲等者。香等者。味等者。觸等者。地知者。水知者。火知者。風知者。虛空知者。和合知者。變知者。眼知者。耳知者。鼻知者。舌知者。身知者。意知者。神知者。如是等。在家出家。種種邪見。邪行。名爲不淨。復次。其地高下。坑坎。埠阜。榛叢。刺棘。多所妨礙。塵土。全穢。泥潦。曰。陷惡山。巉巖。屈曲。隈障。重嶺。隔塞。峻峭。難上。鹹鹵。乾燥。沙礫。瓦石。衆果。少味。色香。不具。藥草。不良。勢力。薄。少有。妙色。聲香味。觸。園林。樓閣。流水。浴池。小山。土崩。登緣。遠望。娛樂之處。皆悉。甚少。郡縣。聚落。不接近。地多。丘荒。人民。希少。多。



見無福貧窮下劣諸城宰牧大官貴人諸賈  
客主巧匠工師學讀之人亦復甚少飲食衣  
服卧具醫藥便身之具甚為難得雖得非妙  
名為不淨不淨略說有二種一以衆生因緣  
二以行業因緣衆生因緣者衆生過惡故行  
業因緣者諸行過惡故此二事上已說轉此  
二事則有衆生功德行業功德此二功德名  
為淨土是淨國土當知隨諸菩薩本願因緣  
諸菩薩能行種種大精進故所願無量不可  
說盡是故今但略說開示事端其餘諸事應  
如是知略說淨土相所謂善得阿耨多羅三  
藐三菩提佛功德力法具足聲聞菩薩提

樹具足卅界莊嚴衆生善利可度者多如衆  
集會佛力具足善得菩提者以十事莊嚴一  
離諸苦行二無厭劣心三速疾得四無求外  
道師五菩薩具足六無有魔怨七無諸留難  
八諸天大會九希有事具足十時具足離諸  
苦行者若菩薩爲阿耨多羅三藐三菩提出  
家不行諸苦行所謂若四日若六日若八日  
若半月若一月乃至食一麻一米一果或但  
飲水或但服氣不以如是苦行求道安坐道  
場而成佛道無厭劣心者若菩薩少得厭離  
心即時出家速疾得者若菩薩出家已即得  
阿耨多羅三藐三菩提不求外道師者若菩



薩出家已時有外道大師有名稱者不往諮  
求汝等說何法論何事以何爲利亦不於四  
方求索菩薩具足者菩薩欲成佛道時三千  
大千世界中諸菩薩及他方諸菩薩各持供  
養具來圍遶已待佛成道放大光明各共供  
養從佛聞法皆是不退轉一生補處無魔怨  
者若菩薩垂成佛時無有魔軍能來破者無  
諸留難者菩薩垂成佛時乃至無有毫釐煩  
惱來入其心於大衆集會者若菩薩垂成佛  
時四天王諸天忉利諸天夜摩天兜率陀天  
化樂天他化自在天梵天乃至阿迦膩吒天  
諸龍神夜叉軋閻婆阿脩羅迦樓羅緊那羅

摩睺羅伽等一切諸神十方無量世界各持  
第一上妙供養之具來供養菩薩名爲大衆  
集會又聲聞人言十世界諸天盡來名爲諸  
天大會希有行具足者若菩薩得佛時地六  
種震動十方無量三千大千世界諸魔王宮  
殿皆變壞無色光不復現無量須彌小皆悉  
動搖無量大海皆悉振蕩一切世界出非時  
華雨栴檀末香及諸天名華等諸希有事時  
具足者時無疾疫飢饉刀兵流離進雨澤  
隨時無諸灾蝗諸國王等如法治化人民安  
樂壽命延長無有怨賊諸惡鳥獸毒虫鬼神  
惱害衆生佛功德力者一切去來今佛威力



功德智慧無量深法等無差別但隨諸佛本願因緣或有壽命無量或有見者即得必定聞名者亦得必定女人見者即成男子身若聞名者亦轉女身或有聞名者即得往生或有無量光明衆生遇者離諸障蓋或以光明即入必定或以光明滅一切苦惱無量壽命者壽命無量劫過諸筭數一劫百劫千劫萬劫億劫百千萬億那由他阿僧祇劫如是久住爲利益憐愍衆生故一切諸佛雖力能無量壽以本願故有久住世者有不久住者見時得入必定者有衆生見佛即住阿耨多羅三藐三菩提阿惟越致地何以故是諸衆生

見佛身者心大歡喜清淨悅樂其心即攝得如是菩薩三昧以是三昧力通達諸法實相能直入阿耨多羅三藐三菩提必定地是諸衆生長夜深心種見佛入必定善根以大悲心爲首善妙清淨爲通達一切佛法故爲度一切衆生故是善根成就時至是故得值此佛又以諸佛本願因緣二事和合故此事得成聞佛名入必定者佛有本願若聞我名者即入必定如見佛聞亦如是女人見佛得轉女形者若有一心求轉女形深自厭患有信解力誓願男身如是女人得見佛者即轉女形若女人無有如是業因緣又女身業未盡



不得值如是佛女人聞佛名轉女形者此事  
因緣如見佛經中說聞佛名得往生者若人  
信解力多諸善根成就業障礙已盡如是之  
人得聞佛名又是諸佛本願因緣便得往生  
無量光明者一切佛光明所照隨意遠近此  
說無量者是其常光常光明不可以由旬里  
數以爲限量徧滿東方若干百千萬億由旬  
不可得量南西北方四維上下亦復如是但  
知其無量而莫知邊際遇光明得除諸蓋者  
是諸佛本願力所致貪欲瞋恚睡眠調悔疑  
除此障蓋衆生遇光即能念佛念佛因緣故  
念法念法故諸蓋得除光明觸身苦惱皆滅

者若衆生墮地獄畜生餓鬼非人趣中多諸  
苦惱以佛本願神通之力光觸其身即得離  
苦法具足者一切諸佛法悉皆具足無有具  
足不具足者諸佛說法同故法俱具足但以  
本願因緣故差別不同或有久住不久住耳  
何謂法具足法有略說有廣說有略廣說有  
具足聲聞乘有具足辟支佛乘有具足大乘  
以諸神通力守護今不爲外道所壞不爲諸  
魔所破久住於世略說者以少言辭包含多  
義利根之人聞則開悟廣說者於一事一義  
種種因緣爲諸鈍根樂分別者敷演解說若  
略廣說者亦以一言包舉廣義又亦種種演



散一義有具足聲聞乘具足辟支佛乘具足  
大乘者此義後當說神力護法者以佛神力  
護念是法以諸佛印印之諸佛印者所謂四  
大因離四黑因不為外道所壞者一切沙門  
婆羅門外道論師所有邪見說生滅味患出  
又覺一切善說破壞因緣不為一切魔所壞  
者諸佛有無量無邊功德智慧方便神通力  
故魔雖有力而不能壞又諸菩薩力故魔不  
能壞法久住者若一劫若減一劫若過是數  
百劫千劫万劫十万劫百万劫千萬劫萬萬  
劫無量千萬億那由他阿僧祇劫乃至無量  
無邊劫聲聞具足者一切諸佛悉皆具足聲

聞僧但諸佛本願因緣故有少多差別何謂  
具足所謂如來聲聞眾具足持戒禪定智慧  
解脫解脫知見同等清淨悉是利根利益者  
諸菩薩形色嚴淨具足持戒者遠離殺生偷  
盜邪婬妄語兩舌惡口綺語飲酒邪命等諸  
惡法又毗尼所制皆悉遠離又能成就無漏  
戒故具足禪定者四禪四無量心四無色定  
八解脫八背捨八勝處十一切入等及得無  
漏諸禪定故具足智慧者成就四種智慧從  
多聞生從思惟生從修集生從先世業因緣  
果報生具足解脫者於一切煩惱得解脫又  
於一切障礙得解脫具足解脫知見者知名



識其事見名明了其事於解脫中了了知見  
無疑又知名盡智見名見四諦同等者諸入  
須陀洹果悉皆同等乃至阿羅漢亦如是清  
淨者成就三種清淨身清淨口清淨意清淨  
利智者但聞少語能廣解了通達義趣略能  
作廣廣能作略義理微隱能令易解利益菩  
薩者念諸菩薩乃至初發心者亦不輕慢深  
愛敬故常開示善惡為說佛道方便因緣形  
色嚴淨者身體姝美姿容具足兼有相好見  
者歡悅如辟支佛行來進止坐卧寤寐飲食  
澡浴著衣持鉢威儀庠序無所闕少若人見  
者心則清淨菩提樹具足者所有大樹娑羅

樹多羅樹提羅迦樹多摩羅樹婆求羅樹瞻  
蔔樹阿輸迦樹娑訶迦羅樹分那摩樹那迦  
樹尸梨沙樹涅槃陀樹阿輸陀樹波勒叉樹  
優曇鉢羅樹等於此諸大樹中隨取一樹在  
平地者高廣具足根莖枝葉滋潤茂盛華色  
鮮明無有傷缺其樹舉高五十由旬端直平  
澤無有槃節皮膚細栗色白鮮淨無有刺礙  
內不朽腐又不空中不為虫蝎之所傷齧其  
根深固連編相次其華嚴飾如鬘瓔珞枝葉  
鬱茂猶如圓蓋次第分布功殊人造其葉青  
鮮猶如寶色枝無紋戾萎黃枯葉無有虫蛾  
蚊蚋壺蟻其下清淨布諸金沙種種光明周



11  
取照曜栴檀香水以灑其地平坦柔爽清涼  
快樂牛頭栴檀細末布上諸天常雨曼陀羅  
華燒黑沉香芬馨流溢五色天繒參羅垂列  
清風微動猗靡隨順鳥獸遊側寂然無聲其  
樹左右天常雨華衆妙雜色自然間錯垂以  
為纓猶如龍身身上往往懸以金色華貫四  
面大枝垂寶羅網衆寶莊嚴猶紫金山巍巍  
殊妙如帝釋幢斯由菩薩百千萬億阿僧祇  
劫修集善行功德所致種種妙寶化為師子  
王四師子頂上有廣大寶牀敷諸天繒四天  
王天忉利諸天夜摩天兜率陀天化樂天他  
化自在天梵天乃至阿迦膩吒天乘瑠璃磲

磔瑪瑙大青寶帝青寶金剛玻瓈衆寶宮殿  
其色無比光明遠照俱集寶樹圍遶供養又  
十方無量世界諸菩薩衆俱隨本所願備諸  
供具雨衆寶物華香幡蓋種種伎樂等是名  
具足菩提樹世間莊嚴者菩薩觀察十方清  
淨國土最上妙者而發大願我當修集功德  
所得國土復勝於此第一無比衆生善利者  
衆生端正無諸疾患無有老病壽命無量阿  
僧祇劫悉皆化生身無衆穢具足三十二相  
光明無量煩惱微薄易可化度可度具足者  
一坐說法恒河沙衆生同時得度自有餘佛  
演說法時度一人二人是諸衆生宿種善根



結使微薄聞說即悟大衆集會者有佛大會  
滿一由旬或十由旬有百千萬億由旬有滿  
三千大千世界此中大集會者十方恒河沙  
世界以爲大會又其會中但是福德之人及  
諸天八部初地菩薩乃至十住悉共集會唯  
除諸佛佛力具足者諸佛所行四十不共法  
是一一法所行處一切無量無邊是第七願  
復次俱行於一事願無有怨競  
若菩薩所作福德若布施持戒忍辱精進禪  
定智慧若諦捨滅慧四功德處若因諸大願  
求佛道時應作是願若有餘人同我行此六  
波羅蜜四功德處求佛道者願我以此福德

因緣不於餘人而生怨競何以故同行一事  
諸有智者說有怨相世間亦復現有此事除  
此過故發是大願是第八願復次

願行菩薩道 轉不退轉輪 令除諸煩惱  
得入信清淨

輪者法輪不退轉者無人能壞菩薩應如是  
發願我當如說行道必轉不退法輪轉此法  
輪除諸衆生三毒煩惱轉捨生死入佛法衆  
苦集滅道中使得清淨是第九願復次

願一切世界 皆示成菩提

隨諸世界應有佛事處盡於其中示得阿耨  
多羅三藐三菩提安樂一切衆生故滅度一



切衆生故以阿耨多羅三藐三菩提大故獨  
說其餘入胎出胎生長在家出家受戒苦行  
降伏魔衆梵王勸請及轉法輪大衆集會廣  
度衆生現大神力示大滅度如此諸事悉皆  
如是應作是知有如是無量力能利無量無  
邊衆生不應但於一國示成佛道有人言於  
一佛國所有四天下諸閻浮提是一佛土過  
此以外唯佛能知而實不尔是第十願復次  
如是諸菩薩 十大願爲首 廣大如虛空  
盡於未來際 及餘無量願 亦各分別說  
願名心所貪樂求欲必成十者有十種門廣  
大如虛空者願所緣方如所有虛空處願亦

如是盡未來際者願時所住盡一切衆生未  
來生死際有人言阿耨多羅三藐三菩提是  
未來世生死際若諸佛入無餘涅槃是生死  
後際菩薩志願無盡而實成佛則止一切十  
方世界諸大菩薩皆有是願餘無量願者諸  
菩薩成就無量希有功德故諸所有願不可

盡說復次

菩薩發如是

十大願究竟

是十大願有十究竟事何等爲十答曰

衆生性世性

虛空性法性

涅槃佛生性

諸佛智性竟

一切心所緣

諸佛行處智

世間法智轉

是名十究竟



初衆生性竟二世間性竟三虛空性竟四法  
性竟五涅槃性竟六佛生性竟七諸佛智性  
竟八一切心所緣竟九諸佛行處智竟十世  
間法智轉竟是名十究竟問曰汝言竟何者  
爲竟此義應分別答曰

衆生性若竟 我願亦復竟 如衆生等竟

妙是諸願竟 竟義名無竟 我善根無竟

衆生性竟者若衆生都盡滅我願便應息隨  
世間性盡虛空性盡諸法性盡涅槃性盡諸  
佛生性盡諸佛智性盡一切衆生心所緣性  
盡入佛法智性盡世間轉法轉智轉盡我此  
十願亦乃盡息但是衆生性等十事實不盡

我是福德善根亦不盡不息不息義者無量  
無邊不可思議過諸筭數名為不息如此三  
千大千世界十方無量無邊過諸筭數故名  
為世間無邊是諸世界中三界六趣衆生無  
邊故名為衆生性無邊是一切世界中內外  
二種虛空性無邊故名為虛空性無邊是諸  
世界中欲色無色無漏性所攝有為法無邊  
故名為法性無邊若一切衆生滅度涅槃性  
不增不減是故涅槃性無邊若過去十方諸  
佛無量無邊今現在十方諸佛亦無量無邊  
未來十方世界諸佛亦無量無邊是故佛出  
性無邊諸佛智無量不可稱不可量無等無



等等無對無比故諸佛智性亦無量無邊  
佛告阿難是聲聞人諸佛智無量是故諸佛  
智性無量無邊於過去世一一衆生無量無  
邊心是諸心皆有緣生未來世亦是現在  
世一切衆生心亦無量無邊皆有緣生是故  
心所緣亦無量無邊諸佛略說有四不  
共法是四不共法一法行處無量無邊  
行處無量無邊故智亦無量無邊是故說佛  
行處智無量無邊世間轉法輪智轉者轉名  
以此法有所轉世間者世間有二種國土世  
間衆生世間此中說衆生世間諸佛及諸菩  
薩以無量無邊方便力引導衆生法轉者

無量無邊善根福德攝取諸佛法智轉者無  
量諸善法六波羅蜜十地等攝取佛智是故  
智轉無量無邊此三同轉故合為一願是菩  
薩一一願牢堅故成是十無盡願方如虛空  
時如未來際如是以略說廣說解是十願究竟

發菩提心品第六

問曰初發心是諸願根本云何為初發心答曰  
初發菩提心 或三四因緣

衆生初發菩提心或以三因緣或以四因緣  
如是和合有七因緣發阿耨多羅三藐三菩  
提心問曰何等為七答曰

一者諸如來 令發菩提心 二見法欲壞



守護故發心

三於衆生中

大悲而發心

四或有菩薩

教發菩提心

五見菩薩行

亦隨而發心

或因布施已

而發菩提心

或見佛身相

歡喜而發心

以是七因緣

而發菩提心

佛令發心者佛以佛眼觀衆生知其善根淳

熟堪任能得阿耨多羅三藐三菩提如是人

者佛教令發心作是言善男子來今可發心

當度苦惱衆生或復有人生在惡世見法欲

壞爲守護故發心作是念咄哉從無量無邊

百千萬億阿僧祇劫來唯有一人二處行出

三界四聖諦大導師知五種法藏脫於六道

有七種正法大寶深行八解脫以九部經教  
化有十大力說十一種功德善轉十二因緣  
相續說十三助聖道法有十四覺意大寶除  
十五種貪欲并得十六心無礙解脫出十六  
地獄衆生及身十七具足十八不共法善分  
別十九狂果人善知分別學人阿羅漢辟支

佛諸佛二十根是大悲心者是大將至大衆  
主大醫王大導師大船師久乃得是法行難  
行苦行乃得是法而今欲壞我當發阿耨多  
羅三藐三菩提心厚種善根得成佛道令法  
久住無數阿僧祇劫又行菩薩道時護持無  
量諸佛法故勤行精進或復有人見衆生苦



惱可愍無救無歸無所依止流轉生死險難  
惡道有大怨賊諸惡虫獸生死恐怖諸惡鬼  
等常有憂悲苦惱刺棘恩愛別離怨會深坑  
喜樂之水甚爲難得大寒大熱獨行其中曠  
絕無蔭難得度脫衆生於中多諸怖畏無有  
救護將導之者見如是衆生又此生死險惡  
道中受諸苦惱以大悲故發問釋多羅三藐  
三菩提心作是言我當爲無救作救無歸作  
歸無依作依我得度已當度衆生我得脫已  
當脫衆生我得安已當安衆生復有人但從  
人聞以信樂心等發無上道心作是念我常  
修善法不斷絕故或墮必定得無生法忍集

諸功德善根淳熟故或值諸佛或值大菩薩  
能知衆生諸根利鈍深心本末性欲差別善  
知方便爲般若波羅蜜所護能作佛事者知  
我發願善根成熟故令任必定若無生忍法  
是諸菩薩在第七第八第九第十地如佛善  
知衆生心力教令發心不以但有信樂力等  
教令發心復有人見餘菩薩行道修諸善根  
大悲所護具足方便教化衆生不惜身命多  
所利益廣博多聞世間奇特人中標勝疲苦  
衆生爲作蔭覆安任布施持戒忍辱精進禪  
定智慧慙愧質直柔爽調和其心清淨深樂  
善法見如是之而作是念是人所行我亦應



行所修願行我亦應修我為得是法故當發  
是願作是念已發無上道心復有人行大布  
施施佛及僧或但施佛以飲食衣服等是人  
因是布施念過去世諸菩薩能行施者韋藍摩  
韋首多羅薩婆檀尸毗王等即發菩提心以  
此施福迴向阿耨多羅三藐三菩提復有人  
若見若聞佛三十二相足下平手足輪指網  
縵手足柔栗七處滿纖長指足跟廣身臍直  
足趺高平毛上旋伊泥踣臂長過膝陰馬藏  
身金色皮栗薄一一孔一毛生眉間白毫上  
身如師子肩圓大腋下滿得知妙味身方如  
屈拘樓陀樹頂有肉髻廣長舌梵音聲師子

類四十齒齊白密緻眼睛紺青色暖如牛主  
等相心則歡喜作是念我亦當得如是相如  
是相人所得諸法我亦當得即發阿耨多羅  
三藐三菩提心以是七因緣發菩提心問曰  
汝說七因緣發菩提心為皆當成有有不  
成答曰是不必盡成或有成有不成問曰若

余者應解說答曰

於七發心中

佛教令發心

護法故發心

憐愍故發心

如是三心者

必定得成就

其餘四心者

不必皆成就

是七心中佛觀其根本教令發心必得成以  
不空言故若為尊重佛法為欲守護若於衆



生有大悲心如是三心必得成就根本深故  
餘菩薩教令發心見菩薩所行發心因大布  
施發心若見若聞佛相發心是四心多不成  
或有成者根本微弱故

調伏心品第十七

問曰如上品說三發心必成餘四不必成云

何爲成云何不成答曰若菩薩發菩提心行  
失菩提心法是則不成若行不失菩提心法  
是則必成是故偈說

菩薩應遠離

失菩提心法

應一心修行

不失菩提法

遠離名除滅惡法不令入心若入疾滅名

若今世若後世忘菩提心不復隨順修行應  
遠離如是法若不失菩提法不忘菩提心應  
常一心勤行問曰何等法失菩提心答曰

一不敬重法

二有憍慢心

三妄語無實

四不敬知識

有是四法者若於今世死時若次後世則忘  
失菩提心不能自知我是菩薩不復願菩薩  
行法不復在前不恭敬法者法名諸佛所說  
上中下乘取要言之是諸佛如來所用教法  
於此法中不恭敬供養尊重讚歎不生希有  
想難得想寶物想滿願想是法能失菩提心  
慢心者自高其心未得謂得未證謂證空無



相無願若無生忍法若六波羅蜜若菩薩十  
地如是等及諸餘從修生者於此法中未得  
謂得妄語者有屬突吉羅有屬波夜提有屬  
偷蘭遮有屬僧伽婆尸沙有屬波羅夷或有  
人言有第六妄語是妄語心生懺悔上五妄  
語初輕後重第六者最輕屬波羅夷者自無  
過人法若口言若形示趣以方便現有此德  
屬僧伽婆尸沙者若口言若形示於彼此五  
四事中以一一有根無根事謗屬偷蘭遮者  
欲以有根無根事謗而說不成屬波夜提者  
以無根僧伽婆尸沙事謗屬突吉羅者除入  
四種罪餘妄語是自心除滅者若說戒時自

知有小罪不得向他說即自心悔問曰是妄  
語者但在比丘不在白衣而此論通在家出  
家答曰凡知事實亦而異知說者此論中說  
是摠相妄語以有衆生分別故事分別故時  
分別故五衆罪分別故住處分別故則有輕  
重雖輕妄語習久則重重能失菩提心衆生  
分別者斷善根邪見者及餘深煩惱者是則  
為重事分別者若說過人法破僧是時分別  
者出家人妄語則重五衆罪分別者如波羅  
夷僧伽婆尸沙罪則重住處分別者僧中妄  
語若證時則重不恭敬善知識者不生恭敬  
畏難想多行此四法則失菩提心問曰但是



四法能失菩提心更有餘法答曰

恡惜最要法

貪樂於小乘

謗毀諸菩薩

輕賤坐禪者

恡惜要法者師所知甚深難得之義多所利  
者貪著利養恐與己等故祕惜不說貪樂小  
乘者不得大乘滋味故貪樂二乘謗諸菩薩  
者無罪而言有罪名為謗菩薩義先已說此  
人無過而妄加其罪若實有罪而論說者此  
雖有罪比前為輕何以故經說諸菩薩若實  
有罪若無有罪皆不應說輕賤坐禪者若在  
家出家為斷諸煩惱故勤行精進若遮一切  
煩惱集助佛道法此人或不善論議或無才

辯或無重威德無知之人而輕賤之則得重罪復次

若於善知識其心懷結恨亦有諂曲心

貪諸利養等

善知識義先已說於此教化說法者生嫌恨心如嫌父母得重罪諂者心佞媚曲者身口

業現有所作貪利養等者貪著利樂稱譽以此法壞質直心故不能深起善根如惡色染衣更不受好色復次

不覺諸魔事 菩提心劣弱 業障及法障

亦失菩提心

不覺魔事者若不知諸魔事則不能制伏若



不制伏則失菩提心。問曰：何等是諸魔事？答曰：說應布施持戒忍辱精進禪定智慧波羅蜜時，及說大乘所攝深義時，不疾樂說，若樂說於其中間，餘緣散亂，若書讀解說論議聽受等傲慢自大，其心散亂，緣想餘事，妄念戲笑互相譏論，兩不和合，不能通達實義，從座而去，你是念我於此中無有受記，心不清淨，亦不說我城邑聚落居家生處，是故不欲聞法，不得滋味，從座而去，捨大乘所說諸波羅蜜及於聲聞辟支佛自調度經中求薩婆若，若書讀解說聽受等時，欲樂說餘種種事，破散般若波羅蜜，所謂說方國聚落城邑園林。

師事賊事兵甲器仗憎愛苦樂父母兄弟男  
女妻子衣服飲食卧具醫藥資生之物心則  
散亂失般若波羅蜜又說貪恚癡怨家親屬  
好時惡時歌舞伎樂憂愁戲笑經書文頌往  
世古事國主帝王地水火風五欲富貴及利  
養等世間諸事令心喜悅若魔化作比丘比  
丘尼形以聲聞辟支佛經因緣令得而作是  
言汝應習學是經捨本所習聽法之人不樂  
聽受說法者其心懈怠各有餘緣聽者須法  
而說者欲至餘方說者樂說而聽者欲至餘  
方說者多欲貪諸利養聽者無有與心聽者  
信心樂欲聞法而說者不樂為說說者樂說



聽者不樂或時有說地獄諸苦不如此身盡  
苦早取涅槃是最為利說畜生無量苦惱餓  
鬼阿修羅種種過惡說諸生死多有憂患汝  
於此身早取涅槃是最為利又稱讚世間尊  
貴富樂稱讚色無色界功德快善生此中者  
是為大利稱讚須陀洹乃至阿羅漢果功德  
之利汝於此身證此諸果是汝大利或說法  
者樂於眷屬聽法者不欲隨從說法者欲至  
飢亂不安隱國土語聽者言汝今何用隨我  
至此諸國即生厭懈而不隨逐說法者貴敬  
擅越數行問訊使聽法者不得聽受於深法  
中令生疑惑此非諸佛所說經法我所說者

是佛經法若菩薩能行是法得證實際如是  
等種種因緣兩不和合當知是等悉是魔事  
取要言之於一切善法有障礙者皆是魔事  
菩提心劣弱者諸煩惱有力故道心劣弱無  
有勢力於阿耨多羅三藐三菩提志願永絕  
業障者雖有種種業障此中說能令求大乘  
又退轉者是法障者樂行不善法惡空無相  
無願及諸波羅蜜等諸深妙法如是四法能  
失菩提心復次

許施師而誑 其罪甚深重 人無有疑悔  
強令生疑悔 信樂大乘者 深加重瞋恚  
訶罵說惡名 處處廣流布 於諸共事中



心多行諂曲

如此四黑法

則失菩提心

施師不與者應施師物若許若未許而後不與若與非時與非處與不如法與此是世間外道法佛法中從師得經法若有財物供養法故則以與師若無無各無有疑悔令生疑悔者此人實不破戒有少罪相而言大罪若

破正命威儀若破正見皆令生疑悔瞋大乘人者有人乘大乘無上乘如來乘大人乘一切智人乘乃至初發心者於此人中深生瞋恚訶罵譏謗說其惡名令廣流布共事諂曲心者於和上阿闍梨諸善知識所不以直心親近習行曲心故乃至未曾所識亦行諂曲

四黑法者黑名垢穢不淨能失菩提心如說  
轉此五四法 世世善修行 如是則不失  
無上菩提心

五四合爲二十法是失菩提心轉此法修習  
行世世不忘阿耨多羅三藐三菩提心轉者  
轉上五四法所謂恭敬法破慢心遠離妄語  
深尊重善知識餘應如是知問曰以何等法  
世世增長菩提願又後復能更發大願答曰  
乃至失身命 轉輪聖王位 於此尚不應  
妄語行諂曲 能令諸世間 一切衆生類  
於諸菩薩衆 而生恭敬心 若有人能行  
如是之善法 世世得增長 無上菩提願



菩薩以是法世世增長菩提願又後能生清  
 淨大願若以實語故死失轉輪王位及失天  
 王位猶應實說不應妄語況小因緣而不實  
 語又於眷屬及諸外人離於諂曲又從初發  
 心已來一切菩薩生恭敬心尊重稱讚如佛  
 無異又當隨力令作大乘

十住毗婆沙論卷第三

資

調戲

上徒

覆蔽

上音副

下

飢饉

下集

疲

干益

亢旱

上苦

瞻幹

上正

且

丁敢

停劣

耕反

佉

揄

上丘

角鴉

下尺

翅

去音

倮形

郎果

哆

丁賀

反反

瓊瑄

同莫

坑坎

下感

捺

叢

助

下自 全 蒲 悶 潦 到 白 陷 上 音 舅 下 巖 巖 上

舍反 下 隈 障 回 上 烏 反 峻 峭 下 上 思 閏 反 鹹 鹵 音 咸 二 字

古上 音 毫 釐 之 下 反 力 膩 吒 下 上 竹 居 二 反 宰 牧 目 下 音 賈 客 音 咸

蟻 正 下 音 黃 苞 必 交 妹 反 尺 朱 寤 寐 密 上 音 二 音 誤 下 必 災

浴 早 上 音 庠 序 祥 上 音 瞻 葡 北 下 反 蒲 涅 劬 下 上 音 二 音 澀 反 澡

朽 腐 許 久 反 蝎 許 謁 齧 反 善 結 編 反 必 綿 絞 戾 古 上

零 帝 反 下 萎 烏 為 蚊 蚋 而 上 音 歲 反 文 下 蛭 蟻 反 上 其 庚 古 上

倚 馨 許 形 溢 夷 一 繒 疾 陵 參 羅 上 音 綺 靡 下 音 下 語 庚 古 上

彼 咄 丁 骨 綱 縵 官 下 莫 跟 根 音 臍 反 田 恭 跌 夫 音 踣 軟 時

反 良 刃 佞 媚 下 上 眉 二 反 反 傲 慢 到 反 吾 頰 天 古 怙 恠 惜



毗婆沙論三卷

資

